

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

681. Qvotuplex sit Vicarius Episcopi, & qualem jurisdictionem habeat.

---

[urn:nbn:de:hbz:466:1-74485](#)

ea sunt iurisp. hæc enim non comprehendit ista Pianâ constitutione , declaravit S. Congregatio teste Quaranta in sum. bullar. v. beneficiorum regnatio. Tond. loc. cit. n. 9. intelligitque hoc ipsum de jurep. laicali. Riccius in defis. Curia Neapolit. l. 3. defis. 81. licet Quarant. loc. cit. loquatur in genere de benef. jurisp. cui adhaerere videtur Tond. l. 2. t. 3. §. 7. n. 3.

3. Respondeo tertio : poterit tamen etiam Episcopus dictis personis conferre beneficia, quæ vacant per dimissionem Clericatus factam ab eo, qui illa possederat ; cum hæc non sit vacatio per resignationem, de qua loquitur Bulla Piana, Tond. loc. cit. n. 4. citans Riccius ubi ante, p. 3. alleg. 307. ubi etiam addit., posse Episcopum libere conferre consanguineo beneficium ob alterius incompatibilis consecutionem resignatum, quod tamen meritò displicerit Tonduto; ed quod ob incompatibilis consecutionem beneficium prahabitum non possit resignari, sed debeat simpliciter dimitti, ut Garc. p. 11. c. 5. n. 58. & talis dimissio ex constitutione Clement. VIII. non possit fieri coram Ordinario, sed illa beneficia sint reservata Papæ, quod tamen credo intelligendum, si secundum incompatibile quis obtinuit à Papa.

*Quæstio 677. Quid possit Episcopus circa beneficia litigiosa conferenda?*

1. Respondeo primò : dum pendente lite super beneficio unus ex colligantibus moritur naturaliter vel civiliter, Ordinarius sive Episcopus (vel etiam alter inferior collator) non potest manus apponere, seu providere de illo beneficio, et si alias ejusdem beneficij collatio ad eum spectaret; quia ipsa lis affectionem causat. Card. de Luca. de benef. d. 92. n. 18. juxta c. 1. & 2. ut lite pendente, in 6. proceditque id ipsum non solum in beneficiis liberæ collationis, sed etiam in electivis, utpote de quibus propriè loquitur textus cit. c. 1. Card. de Luc. n. 19. Item ex communi sensu Beneficiastarum, ut ait Card. de Luca. n. 20. passim per Rotam canonizato de beneficiis iurisp. Laicorum (circa quæ passim & frequenter oriri solent lites, quam circa ea, quæ sunt liberæ collationis) etiam ex fundatione vel dotazione. Idem Card. ibid. & n. 21.

2. Respondeo secundò : sed neque videtur posse Episcopus (idem est de alio inferiore collatore) colligantem superstite providere de beneficio; ed quod illud sit de reservatis Papæ per regulam de subrogandis. Card. de Luc. loc. cit. n. 35. dicens hanc opinionem videri receptionem in praxi. Alii tamen tenent contrarium; nimirum non minus posse à Collatore, quam à presentatore fieri dictam subrogationem; ed quod pars sit ratio in utrisque, nimirum cessatio rationis c. 2. ut lite pendente. quæ erat, ne propter novos adversarios litigia prorogari contingat. pro hac sententia est Garc. p. 5. c. 9. n. 221. citautisque ab eo Lancellot. de attentatis. c. 3. n. 128. Paris. conf. 30. n. 4. l. 4. Roch. Covar. &c.

*Quæstio 678. Qua sit potestas Episcopi circa conferenda beneficia Sede papali vacante, vacantia, aut etiam Sede papali adhuc plena vacantia, sed de quibus Papa in vivis necdum disposuit?*

Respondeo : de his satis dictum supra ; videri etiam potest Corrad. l. 3. c. 6. num. 56. Card. P. Leuren, Fori Benef. Tom. II.

de Luca. de benef. d. 16. num. 8. d. 31. num. 4. d. 93. n. 21. d. 24. n. 3.

*Quæstio 679. Num Episcopus habens Coadjutorem conferre possit beneficia?*

1. Respondeo primò : dum ei datus Coadjutor ob amentiam, Coadjutor habet potestatem conferendi beneficia; cum ei concedatur administratio episcopalibz ab Episcopo independens, & Episcopus eā caret; quia non est compos suū. Castrop. cit. p. 27. num. 5. citans Azor. p. 2. l. 6. c. 25. q. 15. Garc. p. 5. c. 4. n. 270. citans Parisi. de regn. l. 7. q. 20. a num. 25. Quintadv. l. 1. Ecclesiast. cap. 5. num. 5.

2. Respondeo secundò : dum datus est Coadjutor Episcopo sanæ mentis ob senectutem vel infirmitatem, ad Episcopum, & non ad Coadjutorem spectat conferre beneficia. Castrop. loc. cit. Garc. na. 26. citans Pavin. de potest. Cap. sede vac. p. 2. q. 1. n. 8. Selv. p. 2. q. 4. Coraf. p. 2. c. 4. a num. 9. Rebuff. de nominat. q. 8. n. 44. &c. contra Campeg. de Coadjut. Episcopi. n. 10. & Gonz. gl. q. 9. n. 4. Navar. conf. 3. de Cleric. agrot. apud Garc. num. 269. & 275. dum sentire videntur posse Coadjutorem conferre beneficia, Episcopo tali coadjuto non prohibente, seu non contradicente; per dationem enim Coadjutoris Episcopus non amittit dictam potestatem. Castrop. loc. cit. juxta regulam juris: id, quod nostrum est, sine facto & consensu nostro tacito vel expresso auferri non debet. Sed & Papa dat Coadjutori solum potestatem exercendi iura spiritualia, & temporalia, quæ jure vel consuetudine pertinent ad Coadjutoris officium; inter ea autem non sunt, quæ principalis recte potest, & age. re vult per seipsum. Garc. n. 274.

3. Respondeo tertio : sed neque talis Episcopus tenetur conferre beneficia cum consilio, aut auxilio Coadjutoris; quia nec ad hoc datur episcopo Coadjutor. Garc. loc. cit. quod si tamen Episcopo sanæ mentis daretur Coadjutor ob dilapidationem, seu malam beneficiorum administrationem, non posset Episcopus sine consensu, & consilio Coadjutoris conferre beneficia. Castrop. loc. cit. Garc. n. 273. citans Oldr. in c. venerabilis. de off. Deleg. n. 2.

*Quæstio 680. Num Episcopus possit alteri concedere facultatem conferendi beneficia?*

Respondeo ad hoc Garc. p. 5. c. 8. n. 119. non posse, id alteri concedere, quam Vicario suo Generali, citaturque pro hoc Rebuff. in pr. tit. de voce Episcopi. n. 55. Covar. l. 3. var. c. 20. n. 8. Quintadv. l. 1. Eccles. c. 5. num. 7. Sbrotiu de potest. Vicar. l. 1. q. 52. vide de hoc dicenda §. seq.

#### PARAGRAPHVS IV.

De potestate Vicarii Episcopi, quoad conferenda beneficia.

*Quæstio 681. Quotuplex sit Vicarius Episcopi, & qualem jurisdictionem habeat?*

1. Respondeo ad primum: est triplex; natus, foraneus, à lege constitutus; Vicarius natus Episcopi est, qui cum officio, & dignitate nascitur inde-

Cc inde-

independenter ab Episcopi denominatione, quales sunt Archidiaconi. c. i. de off. Archid. c. ut singuli. de off. Archipresb. Sed horum jurisdictio hodieum ferè extincta est. Castrop. loc. cit. p. 30. n. 1. Vicarius foraneus dicitur, vel quia extra fores seu civitatem, in qua Episcopus residet, constitutus; vel porius, quia forum, & judicium non generale, sed speciale tenet; v. g. constitutus pro oppido, vel oppidis aliquibus. Castrop. loc. cit. Vicarius à legge constitutus seu generalis, qui pro tota diœcesi ab Episcopo nominatur. Castrop.

3. Respondeo ad secundum: jurisdictio Vicarii foranei est delegata. Argumento c. super quæstionem, de off. Deleg. Castrop. loc. cit. dicens sic ferè omnes sentire. Jurisdictio autem Vicarii generalis juxta communiorum est ordinaria; tum quia tribunal idem est Episcopi & Vicarii hujus, & non datur à Vicario generali ad episcopum appellatio; tum quia facta episcopi nominatione, jurisdictio ab ipsa lege conceditur. Castrop. loc. cit. citans Azor. p. 2. l. 3. c. 43. pertot. Barb. de potest. Episcopi. alleg. 54. d. n. 1. Molin. tr. 5. de just. d. 20. Sanch. de matrim. l. 3. d. 29. hæc breviter in ordine ad seq. q. alibi ex professo. vide tantisper Garc. p. 5. c. 8.

*Quæstio 682. An Vicarius generalis ratione hujus sui Vicariatū habeat potestatem conferendi beneficia?*

1. Respondeo negativè; sed eger ad hoc speciali concessionē: illi enim ex concessionē Vicariatū concessa solum est Episcopatus administratio, in his, quæ necessitatibus sunt & utilitatis. Unde & instituere & confirmare potest praesentatos & electos ex generali mandato; quia hæc sunt iustitia & necessitatibus, juxta dicta alias: non autem conferre; quia beneficiorum collatio est quadam donatio libera, & cui concessa est bonorum administratio, etiam libera, non est concessa per hoc bonorum donatio. c. ult. de off. Vicar. in 6. Castrop. loc. cit. n. 2. Tond. in qq. benef. p. 2. c. 118. n. 5. Paris. de resign. l. 9. q. 7. n. 32. Pirk. de off. Vicar. n. 49. cum communī. Proceditque id ipsum, etiam ad solum Episcopum pertinet, consentum praestare in collatione alicuius beneficii, ita ut non possit à Vicario, non habente ad hoc speciale mandatum, suppleri. Castrop. ibid. n. 3. citans Rebuff. in pr. de Vicar. Episcopi. n. 9. Barb. ubi ante. n. 61. Gratian. discept. for. c. 303. n. 1.

2. Sed neque ex hoc generali mandato, & concessionē Vicariatū potest praesentare ad beneficia, quorum praesentatio ad Episcopum spectat; quia & hoc est liberalis gratia, & veluti quadam donatio. Pirk. loc. cit. n. 52. citans Sbrotium l. 2. q. 100. n. 2. & seq. Item nequit eligere, dum electio spectat ad Episcopum. Pirk. ibid. Sbrot. loc. cit. q. 30. n. 5. Neque etiam potest recipere, etiam liberas, resignaciones beneficiorum; multoq. minus ex causa permutationis. Castrop. cit. n. 3. citans Rebuff. ubi ante. num. 104. Riccium in pr. resol. 471. Azor. p. 2. l. 7. c. 29. q. 4. Garc. p. 11. c. 4. n. 14. Pirk. de resign. l. 7. q. 24. n. 3. sed de hoc alibi.

3. De cetero posse Vicarium Generale ratione Vicariatū sibi concessi sine speciali mandato, interim, dum beneficium vacat, & non providetur de Rectore, vel Rector impeditus est, constitutere Vicarium, qui beneficium regat, & animarum cura propiciat; quia hæc designatio rectæ Episcopatus administrationi necessaria est, & non est col-

lato, cum communī & alibi dictis tradit Castrop. loc. cit. n. 4, ubi tamen addit, si ob imperitiam, & à fortiori ob depravatos mores Rectoris contiuenendus esset Vicarius, id Vicarium generalem non posse ex generali mandato; cum ex generali mandato non possit beneficatos privare exercitio sui munieris, & alios in eo subrogare. citat pro hoc Covarr. l. 3. var. c. 20. n. 7. Barb. de potest. Episcopi. alleg. 54. n. 73. Sbrot. de Vicar. Episcopi. q. 112. a. n. 2. Pur. decis. 239. n. 2. Argumento c. licet. de off. Vic. in 6.

4. Potrò quod dictum de Vicario Episcopi, eum non possit sine speciali mandato conferre beneficia, idem dicendum de Vicario confituto in Urbe Papa, censet Garc. cit. c. 8. n. 182. citans Pavin. p. 2. q. 10. n. 19. Rebuff. tit. de forma Vicar. n. 16. Gamb. de off. Leg. l. 3. num. 708. Et contra Coras. p. 2. c. 1. n. 17. aitque Garc. n. 183. id procedere, etiam si dictus Vicarius esset Cardinalis, citatque pro hoc Rebuff. ubi ante. n. 64. & 70. Gamb. loc. cit. Baldum in l. aliquando. ff. de off. procons. subdit etiam Garc. n. 186. Cardinalem tamē factum Legatum Urbis, Papā ab ea recedente, posse conferre beneficia intra limites legationis consistentia, etiam Urbis, nisi oblet reservatio; & sic contrarium esse in Cardinale Legato Urbis, quam in Cardinale Vicario Urbis; citat pro hoc Bald. Rebuff. contra Gamb. supra n. 702. qui nequidem hanc potestatem conferendi Cardinali Legato concedit sine speciali mandato.

*Quæstio 683. An Vicario, & qualiter concedi possit, & soleat collatio beneficiorum?*

1. Respondeo primò: Vicario foraneo non solere; sed nec posse id concedi ab Episcopo, communis habet sententia, pro qua à Castrop. n. 5, citantur Gl. ult. in c. statutum. de prob. in 6. & in c. deliberatione. de off. Deleg. in 6. Rebuff. loc. cit. ex n. 15. & plures alii apud Covar. l. 3. var. c. 20. n. 6. & sic expressè docet Pirk. de off. Vicar. n. 50. Item Laym. in c. cum in generali. de off. Vicar. n. 3. ubi: datā operā loquor de Vicario generali; nam alteri neque in specie, neque in genere vacatura, beneficia conferendi potestatem Episcopus aliusque Ordinarius præter Papam committere potest: citatque pro hoc Abb. in cap. constitutus. de concess. prob. Sbrot. l. 1. q. 52. n. 2. Hoc tamen ipsum intelligendū, ait Castrop. de potestate conferendi beneficia tuis diœcesis; de potestate namq. conferendi beneficia alicuius loci, non videri sibi, cur comiti nequeat Vicario foraneo episcopi, tamē generalis non sit, citatque pro hoc Sbrotium l. 1. q. 53. n. 5. & Garc. p. 5. c. 8. n. 125. ubi ait: Vicario generali certi loci posse potestatem concedi conferendi beneficia illius loci, licet alias non sit Vicarius Generalis.

2. Respondeo secundò: posse Vicario Generali concedi hanc facultatem conferendi beneficia, habet communis Castrop. cit. n. 3. Garc. n. 119. id omnino supponens. Quin & Castrop. ibid. ait, ferè semper solere illi concedi hanc facultatem. Porro ad hoc, ut Vicario committatur hæc potestas, non requiritur, ut sit quoque Vicarius in temporalibus, ut volunt Pavin. de potest. Capit. Sede vac. q. 10. num. 31. Rebuff. l. c. num. 8. Sbrot. l. 2. q. 90. Azor. p. 2. l. 3. c. 43. apud Castrop. Sed sufficit esse Vicarium Generalem in spiritualibus, juxta subjectam materiam collationis beneficiorum, quæ spiritualis est, Garc. num. 122. Castrop. num. 6. citans